

आकाशवाणी

खास-खास खबरां:-

- सरकारै साफ कीता ऐ जे दंडू व्यक्तिं बशकार होने आह्ले यू.पी.आई लैन देन उप्पर कोई शुल्क नैई लग्गग, भामें मुंतकिल कीती गेदी रकम किन्नी बी कीह नैई होऐ।
- गन्ना करसानें ते खंड आह्लिएं मिलें गी राहत देने दे मकसद कन्नै महाराष्ट्र सरकारै करसानें दे बकाया उचित ते लाहकारी मुल्ल दे भुगतान लेई सस्ता कर्जा देने दा फैसला लैता ऐ।
- दिल्ली सरकारै आशा कार्यकर्ताएं लेई तय माह्वार प्रोत्साहन राशि गी 3 जहार रपें शा बधाड़यै 6 जहार करने दा ऐलान कीता। राश्ट्री राजधानी दे कालजें ते युनिवर्सिटिं च पढ़ने आह्ले 10 जहार विद्यार्थिं लेई होस्टल बनाने दा बी फैसला।
- भारत ते अमरीका बशकार सांझे फौजी अभ्यास दा 22मां संस्करण कल उत्तराखंड दे औली च शुरू होआ।
- न्यूजीलैंड दी संसद ने भारत दे कन्नै मुक्त बपार समझौते गी लागू करने दा कनून पास करी दिता ऐ।
- ते क्रिकेट च भारत ने कल दिल्ली च खेड़डे गेदे मजूदा श्रृंखला दे दुए टी-20 अंतराश्ट्री क्रिकेट मैच च अफगानिस्तान गी 7 विकटें कन्नै हराई दिता।

<><><><><><><><>

Fin Min UPI

सरकारै एह गल्ल साफ कीती ऐ कि दंडू व्यक्तिं बशकार होने आह्ले UPI लैन-देन पर कोई शुल्क नैई लग्गोग, भाए मुंतकिल कीती गेदी रकम किन्नी बी कीs नैई होऐ। केन्द्री खजाना मंत्रालय दा आखना ऐ कि लौहके बपारिं लेई सीफर मर्चेट डिस्काउंट रेट MDR ढांचे दे तैहत औने आह्ले लैन-देन दे कन्नो-कन्नी बपारिं गी 2 जहार रपे तगर, कीते जाने आहली अदायगियां बी मुफ्त रौहगंन।

मंत्रालय मुजब एहदे नतीजतन सब्बै “ग्राहक थमां बपारी” गी कीती गेदी सारी पेमेंट दा 96 प्रतिशत हिस्सा शुल्क रहत श्रेणी च औग। MDR छड़ा 2 जहार रपे कोला मते विशेष तौरा पर शनाख्त कीते

गेदे लैन-देन पर गै लागू होग। खजाना मंत्रालय ने साफ कीता ऐ कि MDR न ते कोई सूद ऐ ते नां गै सरकार जां NPCI आसेआ वसूले जाने आहला कोई टैक्स ऐ। NPCI ने आखेआ ऐ कि ग्राहकें लेई UPI गी पूरी चाली मुफ्त रखदे होई, अगले म्हीने दी 15 तरीक सवां चुनिंदा बपारिक लैन-देन पर इक संशोधित UPI मर्चेट डिस्काउंट रेट ढांचा लागू कीता गेआ ऐ।

<><><><><><><>

IMF India

अंतर्राष्ट्री मुद्रा कोष-IMF दा आखना ऐ जे भारत अपनी मजबूत आर्थिक बुनियाद, निजी खेतर दी गतिशीलता ते बधदी तकनीकी क्षमताएं दे दम उप्पर आलमी सतह पर विकास गी रफ्तार देने दी समर्थ रक्खदा ऐ। IMF दे डिप्टी मैनेजिंग डरैक्टर नाइजेल क्लार्क नै भारत गी दुनिया दी सब्बनै शा तेजी कन्नै बधदी अर्थबवस्था करार दिती ऐ। उ'नें एह ब्यान भारत दी 5एं दिनें दी जातरा पूरी करने दे बाद जारी कीता। अपनी इस जातरा दे दुरान उ'नें वित्त मंत्री निर्मला सीतारमण, RBI दे गवर्नर संजय मल्होत्रा ते नीति आयोग दे उप-अध्यक्ष अशोक कुमार लाहिरी हुंदे'नै मलाटी कीती ही। क्लार्क होरें भारत दे गतिशील निजी खेतर, बड्डे प्रतिभा भंडार ते तकनीकें सनें माल तैयार करने दे खेतर च तेजी कन्नै बधदी समर्थ दी सराहना कीती।

<><><><><><><>

Maha Cabinet

गन्ना करसानें ते खंड आह्लिएं मिलें गी राहत देने दे मकसद कन्नै महाराष्ट्र सरकारें करसानें दे ब'रे 2025-26 दे पेराई सत्र दे बकाया उचित ते लाहकारी मुल्ल दे भुगतान लेई सस्ता कर्जा देने दा फैसला लैता ऐ। एह फैसला कल मुंबई च मुख्मन्त्री देवेंद्र फडणवीस हुंदी प्रधानता तैहत होई दी मंत्रिमंडल दी बैठका च लैता गेआ।

बैठक दे बाद संवाददाताएं कन्नै गल्लबात करदे होई श्री फडणवीस होरें आखेआ जे खंड आह्लिएं सैहकारी मिलें गी 750 करोड़ रुपें शा मते दा सस्ता कर्जा दिता जाहग, जेहदे'नै ओह पिच्छला बकाया अदा करने दे कन्नो-कन्नी नमें गन्ने दी खरीद बी करी सकडन। इक होर महत्वपूर्ण फैसले तैहत, मंत्रिमंडल ने

राज्य सरकार दी 25 प्रमुख नीतियें ते 25 कल्याणकारी योजनाएं दे मूल्यांकन लेई 'महाराष्ट्र तकनीकी सहायता सेल' खडेरने गी बी मंजूरी देई दिती ऐ। समग्र शासन ते फैसले लैने दी प्रक्रिया गी बेहतर बनाने लेई, भारती प्रबंधन संस्थान मुंबई ते 'सेंटर फॉर रिसर्च इन स्कीम्स एंड पॉलिसीज' दिएं सफारशें दी बिनाह उप्पर एह इक बरे आह्नी मूल्यांकन परियोजना चलाई जाहग। एहदे कन्नै गै राज्य मंत्रिमंडल ने ओकड़े कन्नी संशोधन गी बी मंजूरी दिती ऐ जिंदे'नै अहिल्यानगर जिले दे हरेगांव गांs च राज्य कृषि निगम दे कच्चे आह्नी जिमीं गी ओहदे असल मालकें गी परताया जाई सकग।

<><><><><><><><>

Delhi -Cabinet

दिल्ली सरकार नै आशा कार्यकर्ताएं लेई तय माहवार प्रोत्साहन राशि गी 3 ज्हार रपें शा बधाइयै 6 ज्हार रपे करने दा ऐलान कीता ऐ। एह फैसला कल दिल्ली दी मुख्यमंत्री रेखा गुप्ता हुंदी अध्यक्षता च लग्गी दी मंत्रिमंडल दी बैठक च लैता गेआ। इस मौके पर रेखा गुप्ता होरें आखेआ जे इस रकम च बाढ़े कन्नै आशा कार्यकर्ताएं दे जोगदान गी मान्यता देने ते उन्दी आर्थिक सुरक्षा जकीनी बनाने दी दिशा च महत्वपूर्ण गेंह ऐ। मजूदा समें च दिल्ली च 6 ज्हार 725 आशा कार्यकर्ता न। तौंआई दिल्ली सरकारै राश्ट्री राजधानी दे कालजें ते युनिवर्सिटिं च पढ़ने आले 10 ज्हार विद्यार्थियें लेई होस्टल बनाने दा बी फैसला लैता ऐ।

<><><><><><><><>

India- USA

भारत ते अमरीका बश्कार सांझे फौजी अभ्यास दा 22मां संस्करण कल उत्तराखंड दे औली च शुरू होआ। उद्घाटन समारोह औली बदेशी सिखलाई केन्द्र च आयोजित कीता गेआ।

एह अभ्यास राजस्थान दे महाजन फील्ड फायरिंग रेंज च बी आयोजित कीता जा करदा ऐ। इस अभ्यास दा मकसद दौनें फौजें बश्कार संचालन बवस्था गी मजबूत करना, उभरदी चुनौतियें दा हल कड़डना ते दपक्खी रक्षा सांझ-भ्याली गी होर मता मजबूत बनाना ऐ। इस जंगी अभ्यास दा लक्ष्य प्हाड़ी ते अद्द-

पहाड़ी इलाकें च संगठित जंगी समूहें (आई.टी.बी) दे इस्तेमाल लेई दौनों फौजें दी सांझी फौजी समर्थ गी बधाना ऐ, जेहदे च पैदल सेना दे प्रधान अभियानें पर चेचा जोर दिता गेआ ऐ। रक्षा मंत्रालय ने आखेआ ऐ जे एहदे'नै अंतर-संचालन बवस्था मजबूत होग, सबनै शा बेहतरिन परिचालन पद्धतियें दा आदान-प्रदान सखल्ला बनग ते सांझी योजना ते अमल-आवरी गी मजबूती मिलग। सिखलाई च निगरानी लेई ड्रोन ते आधुनिक प्रणालियें दा इस्तेमाल शामिल होग ते कन्नै गै महाजन फील्ड फायरिंग रेंज च आधुनिक हथियार प्रणालियें दा प्रदर्शन बी कीता जाहग।

<><><><><><><><>

Newzealand

न्यूजीलैंड दी संसद ने भारत दे कन्नै मुक्त बपार समझौते गी लागू करने दा कन्नू पास करी दिता ऐ। एहदे'नै दौनों मुख्यें दे बशकार शुल्क च भारी कटौती ते बपार विस्तार दी बत पदरी होई गई ऐ। इस बिल गी विपक्षी लेबर पार्टी दे समर्थन कन्नै पास कीता गेआ। बिल दे पक्ख च 93 ते बरोध च 29 वोट पे। न्यूजीलैंड दे बपार मंत्री टॉड मैक्ले होरें आखेआ ऐ जे इस समझौते कन्नै निर्यात करने आहें गी फौरी ते बड़दा लाह हासल होग। उ'नै मेद बुज्झी जे एह उच्च स्तरी बपार समझौता इस ब'रे दे अखीरै तगर लागू होई जाहग। इस समझौते दे तैहत, भारत लेई न्यूजीलैंड दे तकरीबन 95 फीसद निर्यात पर शुल्क गी जां ते खत्म करी दिता जाहग जां बड़ा घट्ट करी दिता जाहग। इस समझौते दे दायरे च औने आहें अद्धे शा मते उत्पाद, समझौता लागू होने दे पैह्ले गै दिनै थमां शुल्क मुक्त होई जाडन। एहदे कन्नै गै, सब्बै भारती उत्पाद न्यूजीलैंड दे बजारें च शुल्क मुक्त मिलडन। न्यूजीलैंड ने अगले 15एं ब'रें च भारत च 20 अरब अमरीकी डॉलरें दी रास-पूंजी लाने पर बी सैह्यति जताई ऐ। दौनों मुख्यें मूल रूप कन्नै इस बपार समझौते पर अप्रैल महीने दस्तख्त कीते हे।

जून 2026 तगर दे माली ब'रे च भारत ते न्यूजीलैंड बशकार दपक्खी बपार कुल 2.29 अरब अमरीकी डॉलरें दा रेह दा ऐ।

<><><><><><><><>

MEA –China

विदेश मंत्रालय नै साफ कीता ऐ कि प्रधानमंत्री नरेन्द्र मोदी होरें नमीं दिल्ली च आयोजित 18में ब्रिक्स सम्मेलन दे दौरान चीनी राष्ट्रपति शी जिनपिंग हुंदे कन्नै दपक्खी बैठके च कैई अहम मुद्दे पुट्टे। कल नमीं दिल्ली च मीडिया कर्मियें गी सम्बोधित करदे होई विदेश मंत्रालय दे प्रवक्ता रणधीर जायसवाल होरें दस्सेआ जे मोदी होरें भारत कन्नै जुडे दे बक्ख-बक्ख मुद्दे ते चिंताएं गी उजागर कीता ते इस गल्लै पर जोर दिता कि दोनै धडै गी इक-दुए दे मुख् हितें ते चिंताएं गी लेइयै संजीदा रौहना लोइचदा। प्रवक्ता नै इब्बी आखेआ जे विदेशमंत्री डाक्टर एस. जयशंकर होरें बी साउदी अरब दे विदेश मंत्री प्रिंस फैसल बिन फरहान अल सऊद हुंदे कन्न बैठक कीती, जेहदे च क्षेत्रीय ते अंतराष्ट्रीय घटनाक्रमें दे कन्नो-कन्नी हूती विद्रोहियें कन्नै जुडे दे सुरक्षा मुद्दे ते लाल सागर इलाके च बधदे तनोतनी आहले म्हौल पर बी चर्चा कीती गई।

<><><><><><><><>

ICWA

विदेश मंत्री डाक्टर एस. जयशंकर होरें आखेआ ऐ कि रणनीतिक खुदमुख्तयारी भारत दे DNA, स्हाड़ी सोच, स्हाड़े नजरिए ते स्हाड़े अंदरखाने विश्वास दा अनट्रुट हिस्सा ऐ। वैश्विक मामले सरबन्धि भारतीय परिषद ICWA दे रजत जयंति समारोह दे समापन समारोह गी सम्बोधित करदे होई विदेशमंत्री होरें आखेआ कि कोई बी संजादी आदमी एह नैई मनदा जे रणनीतिक खुदमुख्तयारी दा कोई दुआ विकल्प होई सकदा ऐ ते भारत अपने अजाद रमै कारण कुदरती तौरा पर इक बहुधुवी विश्व लेई तयार ऐ। उ'नें भरोसा जताया कि अज्ज दुनिया भरै च मची दी उथल-पुथल दे बावजूद बी भारत दा उत्थान तय ऐ। उनें आखेया कि भारत कि भारत दे हित हुन छडे भारत तगर गै सीमित नैई, सगुआ वैश्विक हित बनी चुके दे न ते इस करियै दुनिया दे प्रति भारत दियां जिम्मेदारियां बी बधी चुकी दियां न।

<><><><><><><><>

India –Afghanistan T-20

भारत ते अफगानिस्तान बश्कार कल दिल्ली दे अरुण जेटली स्टेडियम च खेड्डे गेदे दुए टी-20 अंतराष्ट्रीय मैच च भारत नै 7 विकेटें कन्नै जित हासल करियै, त्रंऊ मैचे दी श्रृंखला च 2-0 दी श्रृंखला

जित पक्की करी लैती ऐ। पैहले बल्लेबाजी करदे होई अफगानिस्तान नै 20एं ओवरें च 8एं विकटें दे नुक्सान पर 159 रन्ज बनाए, जेहदे परते च भारत नै 14 ओवर ते 5 गेंदें पर गै 163 रन्ज बनाइयै मैच दिती लैता। भारत दे छडे 3 खडारी गै आउट होए। भारत दे सलामी बल्लेबाज संजू सैमसन नै 22 गेंदे च 7 चौके ते 4 छक्के दी मदद कन्ने 57 रन्ज बनाए, जिसलै कि अभिषेक शर्मा नै 39 ते इशान किशन नै 38 रन्ज दा जोगदान दिता ते नाट आउट रेह।

<><><><><><><>